



Pou Piblikasyon Imedya: 08/01/2024

GOUVÈNÈ KATHY HOCHUL

**GOUVÈNÈ HOCHUL PREZANTE SIZYÈM PWOPPOZISYON DISKOU ETA LETA 2024
LA: ENSPIRE KOMINOTE KI PI FÒ YO ATRAVÈ OPÒNITE SÈVIS PUBLIK AK
NOUVO BIWO SÈVIS AK ANGAJMAN SIVIK KE GOUVÈNÈ ADJWEN AN
DELGADO AP DIRIJE**

*Biwo Sèvis ak Angajman Sivik la dwe Loje nan Biwo Gouvènè Adjwen an
OSCE dwe dirije pa Ofisyè Sèvis Anchèf la*

Gouvènè Kathy Hochul te devwale jodi a kreyasyon Biwo Sèvis ak Angajman Sivik (Office of Service and Civic Engagement, OSCE) nan Biwo Gouvènè Adjwen an pou prezide estrateji Eta a pou ede kominote yo nan tout eta a atravè opòtinite sèvis publik aksesib yo. OSCE pral dirije pa yon Ofisyè Sèvis Anchèf ki fèk nonmen, ki sipèvize pa Gouvènè Adjwen Delgado, epi yo pral responsab pou ankouraje opòtinite sivik ak sèvis atravè New York.

"Sèvis publik la se yon apèl, epi se nou ki pou enspire kominote yo atravè New York pou reponn ak apèl la", **Gouvènè Hochul te deklare**. "Ak Gouvènè Adjwen Delgado k ap sipèvize novo Biwo Sèvis ak Angajman Sivik nou an, nou pral fòme epi idantifye pwochen jenerasyon lidè lokal yo ak fonksyonè publik yo ki ka ede kominote yo grandi ak pwospere."

Inisyativ sa a chita sou travay Gouvènè Hochul pou adrese izolman sosyete a ak lòt pwoblèm sosyal ki kapab gen yon enpak negatif sou Nouyòkè yo. An novanm, Gouvènè Hochul te nonmen Doktè Ruth Westheimer kòm premye Anbasadris Solitid nan peyi a pou konseye Nouyòkè yo sou etap pou ede abòde epidemi solitid la k ap grandi a.

"Leve travay enpòtan sèvis la pral rasanble Nouyòkè yo ansanm otou byen komen, epi ankre nou nan kapasite pataje nou pou nou renmen ak gen konpasyon youn pou lòt", **Gouvènè Adjwen Delgado te deklare**. "Mwen onore pou m dirije efò sa a, epi mwen enspire pa sa mwen konnen Nouyòkè yo kapab epi yo pral fè nan non sèvis youn pou lòt."

Pandan ane k ap vini an, Biwo Sèvis ak Angajman Sivik la pral pwofite patenarya ak resous ki egziste deja yo, ki gen ladan Komisyón Eta a pou Sèvis Nasional ak

Kominotè, pou konstwi yon plan aksyon konplè pou konekte plis Nouyòkè, sitou jèn nou yo, ak opòtinite sèvis yo.

Pou lanse inisyativ sèvis Gouvènè Adjwen an, New York pral fonde yon klas inogirasyon Pwogram Kòporasyon Sèvis Empire State an patenarya ak Invèsite Eta New York (State University of New York, SUNY) Pwogram Sèvis Empire State la, ki baze sou Kòporasyon California College la, pral bay elèv kolèj yo opòtinite travay peye kòm yon fason pou sèvi kominote yo.

Elèv kolèj k ap patisipe yo pral angaje yo pou yo fè travay sèvis kominotè ki nesesè pou 300 èdtan pa ane, tankou lesон patikilye nan lekòl matènèl rive nan 12èm ane ki gen anpil bezwen yo, distribye manje bay moun ki fè fas ak ensekirite alimantè, epi pran mezi klimatik.

An akò ak inisyativ sa a, Invèsite Vil New York (City University of New York, CUNY) pral chèche amelyore estaj peye li yo ak òganizasyon san bi likratif nan zòn Vil New York pou elèv k ap chèche jwenn eksperyans nan espas travay ki gen anpil valè pandan y ap travay ak kominote pa yo.

###

Lòt nouvèl disponib sou sit www.governor.ny.gov

Eta New York | Chanm Egzekitif | press.office@exec.ny.gov | 518.474.8418
Enskri pou w jwenn mizajou Biwo Gouvènè a: ny.gov/signup | Voye tèks NEW YORK bay 81336

[ANILE ENSKRIPSYON OU](#)